



ATA OFISIAL DI KUMITÉ SKULAR DI BOSTON Grupo di Trabajo di Admison di Exame Escolar

tersa-fera, 23 di Febreru di 2021

Forsa Tarefa di Admisons na Skolas di Izami di Kunité Skular di Boston rializa un reunion rimotu dia 23 di Fevru di 2021, 17:30 na Zoom. Pa más infurmasons sobri kualker un di itens listadu li baxu, vizita <https://www.bostonpublicschools.org/esataskforce>, email feedback@bostonpublicschools.org o tilifona pa Gabinete di Kunité Skular di Boston pa (617) 635-9014.

PRIZENSA

Menbrus di Forsa Tarefa di Admisons na Skolas di Izami Prizenti: Ko-Prizidenti Michael Contompasis; Ko-Prizidenti Tanisha Sullivan; Matt Cregor; Katherine Grassa; Zena Lum; Danyael Morales; Zoe Nagasawa; Rachel Skerritt; y Rosann Tung.

Menbrus di Forsa Tarefa di Admisons na Skolas di Izami Auzenti: Samuel Acevedo; Acacia Aguirre; Tanya Freeman-Wisdom; y Tamara Waite.

Pesual di BPS Prizenti: Monica Roberts, Xefi di Gabinete di Prumuson di Studanti, Família y Kumunidad; y Monica Hogan, Diretora Izikutiva Sénior di Gabinete di Dadus y Prestason di Kontas.

DUKUMENTUS APRIZENTADU

Agenda

Inkargu di Forsa Tarefa di Admisons na Skolas di Izami y Muson di Adezon, 27 di Janeru 27 di 2021

PowerPoint di Kritérius di Admison di Skolas di Izami BPS, 23 di Fevru di 2021

ABERTURA FORMAL

Mr. Contompasis da inisiu a reunion y é da boas vindas a menbrus di Forsa Tarefa, asin komu Monica Roberts, Xefi di Gabinete di Prumuson di Studanti, Família y Kumunidad y Monica

Hogan, Diretora Izikutiva Sénior di Gabinete di Dadus y Prestason di Kontas, ki sta bai apoia Forsa Tarefa.

Sr^a. Parvex fazi xamada. Tudu membrus stevi prizenti ku isepson di Samuel Acevedo, Acacia Aguirre, Tanya Freeman-Wisdom, y Tamara Waite. Sr^a. Nagasawa y Sr. Cregor txiga na riunion menus di un minutu dipos di xamada.

Mr. Contompasis aprizenta Prizidenti di Kunité Skular di Boston, Alexandra Oliver-Dávila, y Visi-Prizidenti Michael O'Neill y é konbida-s a fla alguns palavra di boas vindas.

Sr^a. Oliver-Dávila agradisi membrus pa sis tenpu y inpurtanti trabadju. É fla ma, komu kontribuison di kumunidade, foi adisiunadu novus membrus já ki Grupu di Trabadju foi ilevadu a Forsa Tarefa: dos alunu, un pai/mai di kintu anu, y un investigador. Sr^a. Oliver-Dávila lé en vos altu inkargu di Forsa Tarefa, konformi apuvadú pa Kunité Skular a 27 di Janeru di 2021.

Sr. O'Neill agradisi membrus. É distaka tanbe inpurtansia di grupu, pamodi es é riprezentativu di kumunidade interu. É fala sobri diferensa entri un grupu di trabadju y un forsa tarefa y modi ki ta serba pa Forsa Tarefa en termus di riunions, feedback y adefon a Lei di Riunion Abertu.

Sr^a. Sullivan agradisi Prizidenti y Visi-Prizidenti y é pidi a kada un di membrus pa aprizenta a publiku y diklara sis konekson ku BPS.

- Sr. Cregor, adivogadu di Kunité di Konsultoris Juridikus di Saúdi Mental, pais di alunus di BPS, y adivogadu di idukason
- Sr^a. Grassa; Diretora di Skola Curley K-8, rizidenti na Dorchester, y es-aluna di Boston Latin Academy (BLA)
- Sr^a. Lum, rizidenti na South End, antiga funsiunária di BPS, angariadora di fundus par Boston Latin Academy Association (Asusiason di Akadimia Latina di Boston), y mai di un alunu di BLA
- Danyael Morales; alunu di BPS, membru di Konselhu Konsultivu di Alunus di Boston y di ikipa di Ikuidadi.
- Zoe Nagasawa, sénior, Boston Latin School (Skola Latinu di Boston)
- Rachel Skerritt, Diretor di Skola y es-aluna, Boston Latin School (Skola Latinu di Boston)
- Rosann Tung, rizidenti na Boston, mai di es-alunu di BPS, investigadora na BPS y ikuidadi.
- Ko-Prizidenti, Michael Contompasis, antigu Diretor di Boston Latin School (Skola Latinu di Boston) y es-Superintendenti di BPS.
- Ko-Prizidenti, Tanisha Sullivan, rizidenti na Hyde Park, Prizidenti di sukursal di NAACP na Boston y es-Diretor Izikutivu di Ikuidadi di BPS

Sr^a. Sullivan aprizenta Monica Roberts, Xefi di Gabinete di Prumuson di Studanti, Famíliá y Kumunidade; y Monica Hogan, Diretora Izikutiva Sénior di Gabinete di Dadus y Prestason di Kontas.

Sr^a. Sullivan aprizenta prujetus di akordus di trabadju di Forsa Tarefa. Mr. Contompasis rifiri un pontu inpurtanti, ki membrus debi sta atentu a meius di komunikason susial y a inpreña.

Sr^a. Sullivan aprizenta un muson pa aprova akordu di trabadju, ki foi apuvadú pa unanimidadi.

Sr^a. Sullivan aprizenta kronograma di prusesu y é dilinia strutura di riunions. É fla ma Forsa Tarefa kre sirtifika ma es ta obi alunus, pais, familias y otus parti interesadu di kumunidadi y, pur konsiginti, tanbe é ta bai ajenda sesons di eskuta di kumunidadi alen di riunions rigular ajendadu. Na Marsu, Forsa Tarefa ta bai preni sobri mudelus di entrada siletivu na skolas di otus distritu y é ta bai intendi tanbe lansamentu y implimentason di pulitika atual. Na Abril, Forsa Tarefa ta bai kumesa ta furmula kritérius di admison y ta ridiji rikumendason, y é ta bai rializa sesons adisiunal na kumunidadi pa risebi feedback. Na Maiu, Forsa Tarefa ta bai uza feedback antis di prepara rikumendason pulitiku final a ser submitidu a Kumité Skular pa apresiason.

Mr. Contompasis fala sobri inpurtansia di sesons di eskuta di kumunidadi. É sujiri pa, si oráriu pirmiti-l, Forsa Tarefa riuni Tersas fera di 17:00 a 19:00. A partir di férias di Abril, Forsa Tarefa ta bai riuni dos ves pa semana. Primeru seson di eskuta ta bai ten lugar Sábadu, 13 di Marsu.

Alguns menbrus diskuti putensial konfliktus di ajendamentu; menbrus konkorda na tenta sis midjor pa partisipa. Sr^a. Tung purgunta si menbrus ta pudia odjaba un gravason si es faltasi a un riunion y si ouvesi un lista di diskuson. Sr^a. Sullivan splika ma, dividu a Lei di Riunions Abertu, ka tinha ninhun lista di diskuson, ma tudu menbru y publiku en jeral pudia tinha asesu a gravasons di riunions.

KUMENTÁRIU DI PUBLIKU EN JERAL

- Sharon Hinton, mai di BPS y rizidenti na Hyde Park, tistimunha sobri idukason di kualidadi na BPS.

KUMENTÁRIUS FINAL

Sr. Contompasis rikunhesi, en risposta a Sr^a. ma na futurú riunion, Forsa Tarefa ta bai furnesi interpretason linguistiku.

Sr^a. Sullivan konvida menbrus a fazi kumentáriu final o purguntas.

Sr^a. Lum purgunta modi ki es pudia garantiba ma kumunidadi y seson di eskuta ta bai serba anplamenti komunikadu a kumunidadi y Sr^a. Sullivan purgunta sobri partisipason di publiku na otus riunion di Forsa Tarefa. Ms. Roberts fla ma é sa ta bai trabadjaba ku Ikipa di Kumunikason pa garanti ma komunikason ta serba divulgadu a familias y parserus kumunitáriu. É akrisenta tanbe ma es Forsa Tarefa ta bai tinha pruvavelmenti más partisipason du ki otus Forsa Tarefa. Sr. Contompasis inkuraja u másimu di divulgason pusivel.

Inkuantu es ta preparaba pa insera, Sr^a. Sullivan kumenta ma es prusesu sta bai izijiba trabadju árdú y é fla ma é ta dizejaba ki menbrus xinti konfurtavel pa dialoga. É konvida menbrus a espresa sis reflekson final. Tudú menbrus espresa sis intuziasmu y modi ki es sta ansiozu pa trabadja en konjuntu na Forsa Tarefa, ta fazi kel ke midjor pa alunus di Sidadi di Boston. Sr^a. Roberts reitera ma el ku Sr^a. Hogan staba inpenhadu na apoia Forsa Tarefa.

Riunion Rimotu di Forsa Tarefa di Admisons na Skolas di Izami
Zoom
tersa-fera, 23 di Febreru di 2021

Sr. Contompais agradisi tudu menbrus pa es ter voluntariadu.

ADIAMENTU

Pa volta di 18:20, Kunité vota pa unanimidadi, pa xamada numinal, adiamentu di riunion.

Atestadu:

Lena Parvex
Asistenti Administrativu